

KERATAN AKHBAR
(Bahagian Canselor)

Surat Khabar: Utusan Borneo (Berita Iban)
Hari/Tarikh: 12/5/2016
Muka surat: 10

Tajuk : Program ICE platform nerangka peluang pengawa puang ngagai nembiaik palan pelajar tinggi



NINGAKA PENERANG: Hatta (tiga kiba) mendingka penerang ari seiku pengari kompeni ke bisi muka bansal ba ICE, kemari seraya diperatika Kadim (kiba).

Program ICE platform nerangka peluang pengawa puang ngagai nembiaik palan pelajar tinggi

KOTA SAMARAHAN: Program Sector Focused Career Fair (SFCF) UNIMAS innovation, Career and Education Fair (ICE) sebungkah ari chara dikena ngurangka isu raban baru graduet nadai bulih pengawa, di nengeri tu.

Mandal Canselor UNIMAS (Universiti Malaysia Sarawak) Prof Dato Dr. Mohamad Kadim Suaidi madah, SFCF UNIMAS ICE 2016 platform endur meri penerang ngagai nembiaik UNIMAS sereta nembiaik ari institusyen pelajar tinggi buka pasal pengawa puang sereta peluang belatih dalam industri minyak, gis enggan karan (OGE); injiniri; Creative Multimedia enggan Global Business Services (GBS).

“Tu kedua kali ICE diatur, keterebah diatur taun 2015 lalu nerima sambut ti manah ari raban graduet, taun nyin kemari bisi urung 7,000 iku orang datai ngagai program ICE.

“ICE tu nyadi platform dikena mantu nambahka pemayuh raban baru graduet nengeri tu bulih pengawa. “Laban nengah ICE tu kami

(UNIMAS) nengah kerejasama Talent Corporation Malaysia Berhad (TalentCorp) ngempuruka lebih 50 buah kompeni tauka pengaji muka bansal pemansang lalu bala raban graduet tauka nembiaik ulih terus betanya ngagai raban pengaji,” ku iya seraya madahka pengaji mega bisi ngatur interbinu tebuca.

Kadim mansutka pekara nya dalam aum pengarang berita, pengudah nyempulang Chairman Lembaga Pengarang UNIMAS Datu Dr. Hatta Solhi bejadi SFCF UNIMAS ICE 2016, ke diatur ba DeTAR PUTRA, UNIMAS ditu kemari.

ICE 2016 berengkah diatur kemari (11 Mei) nyentuk 12 Mei (sehari tu) ba DeTAR PUTRA UNIMAS, kedibuka ngagai orang mayuh.

Nambahka nya ICE nyendaika peluang ngagai nembiaik UNIMAS taun tu ke manggai urung 5,000 iku ti udah nembuka pelajar ngiga pengawa ba pengaji ke ngambi bagi ba pengawa pemandang baka kompeni Begis BPRO, IRDA, GAMUDA, ASTRO, Axiata Group, Ernst & Yong enggan mayuh ke buka.

Program ICE nya mega

meri peluang ngagai pengaji tauka kompeni milih raban graduet ke patut diambil gawa.

Kelimpah ari nya, ba aum pengarang berita ke sama, Direktor Opis Tenaga Kerja (JTK) Datu August Buma madah, program ICE ke diatur UNIMAS begulai enggan TalentCorp nya amat beguna dikena mantu raban baru graduet.

Iya mega madahka JTK nyendaika mayuh program ke sebaka dikena mantu raban graduet ngiga pengawa.

“Program baka ICE tu beguna amat dikena napi penganggul raban baru graduet ke nadai bulih kereja. Tu ulih ngurangka penyampau raban graduet ke nadai kereja.

“Kami (JTK) taun nyin kemari bisi ngatur 17 iti program muka pelhang gawa baru ke udah mantu lebih 11,000 iku,” ku iya.

Sama bisi dalam aum pengarang berita nya kemari, head of Malaysian Talent Development - Graduate Employability of TalentCorp, Siti Norliza Mohd Sahar; Dean Centre for Studen Development UNIMAS Prof Dr. Siti Raydzah Ghazali.